

Broj: 1851-11/18

Datum: 26.03.2018. godine

Na osnovu člana 64. stav 1. tačka a), člana 70. stavovi 1., 3. i 6. Zakona o javnim nabavkama (Sl. Glasnik BiH broj: 39/14), člana 8. stav 2. tačka d) Pravilnika o uspostavljanju i radu Komisije za nabavke (Sl. Glasnik BiH broj: 103/14), i člana 27. Statuta Javne ustanove Opća bolnica „Prim. dr. Abdulah Nakaš“, na Preporuku Komisije za nabavku broj: 1851-9/18 od 23.03.2018. godine, u postupku javne nabavke **radova: Rekonstrukcija prostora za CT aparat**, direktor Javne ustanove Opća bolnica „Prim. dr. Abdulah Nakaš“, je donio

ODLUKU
o izboru najpovoljnijeg ponuđača

Član 1.

Prihvata se Preporuka Komisije za nabavku, broj: 1851-9/18 od 23.03.2018. godine i Ugovor za javnu nabavku **radova: Rekonstrukcija prostora za CT aparat** dodjeljuje se ponuđaču **EKO-GRADNJA d.o.o. Sarajevo sa ukupnom cijenom ponude u iznosu od 26.823,50 KM** bez PDV-a, kao najpovoljnijem ponuđaču.

Član 2.

Izabrani ponuđač je obavezan dostaviti original ili ovjerene kopije dokumentacije iz člana 45. Zakona o javnim nabavkama odmah po prijemu Odluke o izboru najpovoljnijeg ponuđača, a najkasnije u roku od 2 (dva) dana na Protokol Ugovornog organa.

Član 3.

Prijedlog Ugovora o nabavci dostaviće se na potpis izabranom ponuđaču nakon isteka roka od 15 dana, računajući od dana kada su svi ponuđači obaviješteni o izboru najpovoljnije ponude.

Član 4.

Ova Odluka objaviće se na internet stranici Javne ustanove Opća bolnica „Prim. dr. Abdulah Nakaš“ (www.obs.ba), istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav. 6. Zakona o javnim nabavkama.

Član 5.

Ova Odluka stupa na snagu danom donošenja, i dostavlja se svim ponuđačima koji su učestvovali i postupku javne nabavke, u skladu sa članom 71. stav 2. Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka javne nabavke broj: **1851-2/18 od 26.02.2018. godine.**

Javna nabavka je sprovedena **putem otvorenog postupka.**

Procijenjena vrijednost javne nabavke bez PDV-a je **do 50.000,00 KM.**

Obavještenje o nabavci broj: 1125-1-3-58-3-55/18, poslato je na objavljivanje dana **28.02.2018. godine,** a objavljeno je na Portalu javnih nabavki dana **28.02.2018. godine,** sažetak obavještenja o nabavci objavljen je u Sl. Glasniku BiH broj: **16/18 od 09.03.2018. godine.**

Komisija za nabavku, imenovana je Rješenjem broj: **1851-3/18 od 26.02.2018. godine.**

Komisija za javnu nabavku dostavila je direktoru Javne ustanove Opća bolnica „Prim. dr. Abdulah Nakaš“ Zapisnik o pregledu i ocjeni ponuda broj: **1851-8/18 od 23.03.2018. godine,** Preporuku o izboru najpovoljnijeg ponuđača broj: **1851-9/18 od 23.03.2018. godine** i Izvještaj o radu broj: **1851-10/18 od 26.03.2018. godine,** u postupku javne nabavke radova: **Rekonstrukcija prostora za CT aparat.**

U postupku po Izvještaju o radu je utvrđeno da je Komisija za nabavku blagovremeno i pravilno izvršila otvaranje, pregled i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- da su u predmetnom postupku primljene 4 ponude,
- da su blagovremeno primljene 4 ponude,
- da nije bilo neblagovremeno primljenih ponuda,

- da su ponude ponuđača „**KOLINVEST**“ d.o.o. Sarajevo, „**EKO-GRADNJA**“ d.o.o. Sarajevo i „**NEIMARI**“ d.o.o. Sarajevo kvalifikovane i prihvatljive, dostavljeni su svi traženi dokazi propisani tenderskom dokumentacijom, na propisan način,

-da ponuda ponuđača „**INTERMING**“ d.o.o. Sarajevo nije kvalifikovana niti prihvatljiva iz sljedećih razloga:

Ponuđač **INTERMING d.o.o. Sarajevo** u svojoj ponudi za predmetnu nabavku nije dostavio:

- Izjavu o prihvatanju perioda važenja ponude koja je tražena u odjeljku d) PODACI O PONUDI u tački 10) period važenja ponude na strani 22. tenderske dokumentacije. Ponuđač je u Obrascu za ponudu (ANEKS 1.) u tački 5. naveo da ponuda važi 90 (devedeset) dana. Obzirom da je tražena posebna izjava kao dokaz za navedeno, Komisija smatra da se sam navod u Obrascu za ponudu ne može smatrati prihvatljivim za predmetnu nabavku.
- Navedeni ponuđač je dostavio Izjavu o angažovanom osoblju u kojoj je naveo, da će ukoliko bude izabran za izvođača radova, angažovati sljedeće tehničko osoblje za nadzor i kontrolu kvaliteta – 1 lice. Navedena izjava nije u skladu sa traženim dokazom u tački

4. Tehnička i profesionalna sposobnost – član 48-51. Zakona na strani 13. tenderske dokumentacije, obzirom da je ugovorni organ zahtijevao dostavljanje Navoda (izjave) o angažovanom tehničkom osoblju bez obzira na to da li pripada izvođaču radova sa navedenom stručnom spremom osoblja (građevinsko-zanatski radovi) za predmetne radove. Komisija je zauzela stav da dostavljena izjava o angažiranom jednom licu koje će vršiti nadzor ne ispunjava uslove iz tenderske dokumentacije i nije prihvatljiva za ugovorni organ.

Na osnovu prethodno navedenog, odbacuje se ponuda ponuđača **INTERMING d.o.o. Sarajevo** u skladu sa članom 68. stav (4) tačka i) Zakona.

U postupku donošenja ove Odluke, posebno su cijenjene činjenice da je Komisija, pravilno i potpuno, izvršila ocjenu kvalifikovanosti ponuđača te pregled i ocjenu ponuda, u skladu sa kriterijumima iz Tenderske dokumentacije.

U postupku ocjene provedenog postupka, direktor Javne ustanove Opća bolnica „Prim. dr. Abdulah Nakaš“ nije našao razloge, nepravilnosti niti propuste u radu, koji bi eventualno bili osnov za neprihvatanje Preporuke Komisije za nabavku.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i Tenderskim dokumentom. Uvidom u priloženu dokumentaciju, nesporno je da su izabrani ponuđači najbolje ocijenjeni zbog:

Ekonomski najpovoljnije ponude sa podkriterijima kako slijedi:

- 1. Cijena - 60 bodova**
- 2. Uslovi, rok i način plaćanja - 10 bodova**
- 3. Rok izvođenja ugovorenih radova – 15 bodova**
- 4. Garantni rok na izvedene radove - 15 bodova**

Redni broj	Naziv ponuđača	Kriterij za dodjelu ugovora – ekonomski najpovoljnija ponuda				Ukupno bodova
		Cijena (KM bez PDV-a) - 60 bodova	Uslovi, rok i način plaćanja – 10 bodova	Rok izvođenja ugovorenih radova – 15 bodova	Garantni rok na izvedene radove – 15 bodova	
1.	EKO-GRADNJA d.o.o. Sarajevo	26.823,50 KM – 60 bodova	30 dana – 10 bodova	20 dana – 15 bodova	48 mjeseci – 12 bodova	97 bodova
2.	NEIMARI d.o.o. Sarajevo	44.663,85 KM – 36,03 bodova	30 dana – 10 bodova	30 dana – 10 bodova	60 mjeseci – 15 bodova	71,03 bodova
	KOLINVEST d.o.o. Sarajevo	47.783,56 KM – 33,68 bodova	30 dana – 10 bodova	45 dana – 6,67 bodova	24 mjeseca – 6 bodova	56,35 bodova

Izabrani ponuđač je izabran primjenjujući kriterij „ekonomski najpovoljnija ponuda“ čime je utvrđen i njihov sukcesivni red:

1. „EKO-GRADNJA“ d.o.o. Sarajevo sa ukupno ostvarenih 97 bodova
2. „NEIMARI“ d.o.o. Sarajevo sa ukupno ostvarenih 71,03 boda
3. „KOLINVEST“ d.o.o. Sarajevo sa ukupno ostvarenih 56,35 bodova

Iz navedenih razloga, primjenom člana 64. stav 1. tačka a) Zakona o javnim nabavkama, člana 70. stavovi 1., 3. i 6. Zakona o javnim nabavkama (Sl. Glasnik BiH broj: 39/14), člana 8. stav 2. tačka d) Pravilnika o uspostavljanju i radu Komisije za nabavke (Sl. Glasnik BiH broj: 103/14), i člana 27. Statuta Javne ustanove Opća bolnica „Prim. dr. Abdulah Nakaš“, odlučeno je kao u članu 1. ove Odluke.

POUKA O PRAVNOM LIJEKU:

Protiv ove Odluke može se izjaviti žalba, najkasnije u roku od 10 (deset) dana od dana prijema ove Odluke.

Žalba se izjavljuje Kancelariji za razmatranje žalbi Bosne i Hercegovine, putem ugovornog organa u pisanoj formi direktno ili preporučenom poštanskom pošiljkom na adresu:

Javna ustanova Opća bolnica „Prim. dr. Abdulah Nakaš“, Kranjčevićeva broj 12, Sarajevo.

Žalba se podnosi u najmanje 3 (tri) primjerka.

PRIPREMILA:

Amira Petrović, BA općeg prava
Referent za pravne poslove

KONTROLISALA:

Sadeta Hrustemović, dipl.iur.
Kordinatorator za javne nabavke



DIREKTOR
Prim. dr. Zlatko Kravić

Dostaviti:

- Ponuđaču: „EKO-GRADNJA“ d.o.o. Sarajevo
- Ponuđaču: „NEIMARI“ d.o.o. Sarajevo
- Ponuđaču: „KOLINVEST“ d.o.o. Sarajevo
- Ponuđaču: „INTERMING“ d.o.o. Sarajevo
- Odjeljenje za pravne, kadrovske i opće poslove
- Odjeljenje za ekonomsko-finansijske poslove
- Komisiji za javne nabavke
- a/a.